



南邨詩集卷之二

南邨雜賦十首

正義齋

正義齋

平生耽逸趣。久矣謝浮榮。計左真鳩拙。形體類鶴
清。晚風谿艇釣。春雨石田畔。此日容衰老。徜徉樂

太平。

屋小長林束。邨深四水通。睡因閒處熟。愁向醉時
空。鵝鴨春波綠。牛羊晚照紅。歲輸公賦足。泚筆紀

田功。

門對山殊遠。谿回路覺賒。入城因買藥。租地爲栽

花草草栢盤數。悠悠興緒嘉。今年官稅急。月下響繅車。

編圖從入甲。養子慮添丁。閣筆焚三策。攜鉏帶一
經。語多隣叟醉。妖勝里巫霧。俗薄何須較。柴門盡
日扃。

徑微深草沒。橋仄亂雲藏。簷角聯漁屋。籬根繫野
航。雨餘晴澑碧。天迥晚山蒼。回首關河隔。并州是
故鄉。

家貧田亦瘦。身惰禮全疎。囊錦新吟藁。篋藤舊著
書。小童能理櫂。稚子學將車。何幸無榮辱。長年此
逸居。

客分疎雨去。人帶斷煙畔。地曠乾坤大。心閒景物
清。藥材書券貰。琴直典衣更。歲歲西疇秋。深憑送
此生。

池塘纔半畝。浦澈走三江。斷壘春煙犧。疎籬夜雪
厖。消搖浮晚艇。寄傲倚南窗。采藥鹿門遠。誰能逐
漢龐。

遙岑浮碧漢。長汎護青林。地僻人家少。泥融虎跡

深關河南北夢。風雨短長吟。覽鏡憐遲莫。鬍鬚雪一簪。

徑竹霏香細。籬花鬪色多。捲簾黃犧雨。把釣白鷗。
波清士攜琴訪。諸生載酒過。有時香一篆。高枕到南柯。

南邨後雜賦十首

路直華亭谷。林藏處士家。葵菘浮雨甲。杺秫吐晴葩。
璫羽肥堪縛。谿鱗巨易義。客來畱共酌。濁酒不須賒。

甲第多荒址。茅茨獨老翁。杖藜山遠近。舟櫂泖東西。
暮色蒹葭外。秋聲絡緯中。郊居端不惡。此趣許誰同。

槿樹成離落。松脂化茯苓。閒開籠鶴柵。時過狎鷗亭。
汗簡修書史。持杯閱酒經。塵纓終不縛。何愧草堂靈。

谷口蘭宜佩。庭前草不薅。畑田栽薯蕷。縛架引葡萄。
杜甫十分瘦。元龍一世豪。賣書買農具。作業豈辭勞。

道陦循墟曲橋低與岸平風前松子落雨後竹姑
生向此得閒趣自來無宦情烏巾方竹杖林下一

田更

江海謀生拙園田引興長徑分黃菊本池種白魚
秧瘞筆營山窯橫琴布石牀俗氛飛不到一曲水
雲鄉

草徑牛羊熟雲林鳥雀馴九峰三可攬一室四無
隣世治方爲樂身安豈厭貧涼風北窗下未讓葛
天民

農事年年在家常頓頓謀拾樵驅赤脚春粟課蒼
頭屋破何曾補人生本自浮賦歸歸未得長夜夢

台州

雨社來巢燕晴衙散密蜂蠱書魚繭實透墨麝香
濃幽夢回高枕新詩入短筇一經今白首自怪此
生慵

僻壤居偏樂幽懷老自添鍊丹溫候火丸藥捲風
簾雨過魚蝦美春來筍蕨甜長年無一事治世等

黃炎

元日試筆次張泉民讀書莊雜興八首

素履安吾分深居去俗嫌襟懷高莫擬材力老逾

添翰古兼行楷經明法謹嚴鶴書還赴龍光耀起

幽潛

自將茨覆屋遠勝樹爲巢徑曲落花匝谿回浪影
交柳陰維釣艇竹裏構行庖我欲頻相訪談詞愧

草茅

道在寧謀食時清不慮貧弟兄三俊彥天地一閒
人攬鏡菱花曉開尊竹葉春文成五色錦采采濯

芳津

松樹曾巢鶴溪流可浣花步鳴蒼玉佩閒鍊紫金
沙揮塵懷玉衍橫琴仰瓠巴有時因客到沽酒向

西家

生平甘淡泊質稟甚清通經史沉潛裏溪山笑傲
中夢游天祿閣詩寄藥珠宮自是神仙骨塵凡迥

不同

嬾騎金匼匝喜弄玉參差宇宙清寧日山林老耄
時處中知守節履正在觀頤白髮磻溪釣飛鷺未

可期

鄉里陳畱遠才名二十餘文章宗太史詩法媲黃
初避地僑淞水誅茅結草廬功名諸弟貴問候列
華裾

構室延虎日臨書擣硬黃但祈年大有安問世炎
涼首蓿堪羞饌芙蓉可集裳壽齡過八十無夢到

鵝行

次姚憲僉原禮韻簡明上人古鏡六首

雲棲常自寂蠖屈豈求伸翠竹真如理青山妙色

身滌除三毒火清淨六根塵出定寒宵永明蟾挂
碧旻

接流晴灌菊陟巘晝捫蘿地僻經行少心閒興趣
多瘦筇縣樹底壞衲曬岩阿清盥無餘事因箋證

道歌

九山多勝槩此地一叢林石路循清澗茅堂枕碧
岑野孤來聽法游衲問安心虎樹高千尺師寧不

嗣音

林日遲遲靜溪雲滄滄輕雜花閒自落幽草細無

名慨我朱顏。老傷情。白髮明。何繇湔垢累。問道立前榮。

清寂山中景。消搖物外身。好茶畱客煮。香茗課童糴。欲識空爲了。還知嬾是貞。釋門真老宿。佛法在彌綸。

乾坤容隱逸。寒暑互遷推。獻果猿殊熟。銜花鹿不疑。食餘隨洗鉢。梵放輟談詩。送客長松下。東頭月上時。

曹雪林夜宿草堂有詩因次韻

杖屨來相訪。柴門倒屣迎。好春尊蠢綠。清夜燭花明。每苦連旬別。相踰半日程。如今宜盡醉。足以慰平生。

對雨

立春將一月。積雨已兼旬。潦水邨邨白。愁雲旦旦新。世方期樂歲。天豈厭斯民。便好驅陰沴。陽和被廣輪。

元宵

總說春來好。春來尚寂寥。江山緘媚景。風雨過元

宵室白燈光燦。爐紅火力饒。杯盤兒女進。嬾赴北
隣招。

游查山

山上有查仙鍊丹井
東眺黃耳冢西泰山

四面黃茅合。南頭粉堞高。丹泉生石甃。山趾帶平
橋。犬寄華亭信。蛇吞戰國豪。登臨增感慨。落日在
林臯。

役役

第妹分離久。家鄉信息遲。賣書人網直。穫稻雨愆
期。髮向愁中白。顏從病後衰。終年常役役。何日是

歸時

次郁鈍之韻

多病誰分藥。窮愁只著書。青郊春雨稼綠樹。野人
居天地。身將老。朋游日漸疎。寄來詩句好。功業復
何如。

夢游華頂峰題詩于壁

松徑曉停驂。朋游只兩三。鳥啼烟作障。僧坐石爲
龕。訪古人。何在探幽。我尚堪。杏花風日美。春色滿
江南。

詠佳人效香奩

衣皺霞千疊。鞶彎玉兩弓。色酣眉黛綠。香膩口脂紅。密約心還怯。多情意未通。黃昏頭嬾卸。繡被象牀空。

著擁執徐之歲三月望後一日率僮僕抵鍾
賈山采薪供爨至四月朔歸每日陰雨
繫船溪水頭山中成久畱半月總值雨一身都是
愁哺雛敗簷雀逐婦深樹鳩薪采輶夫役摘蔬薦
晨羞

寄夏原舟時從軍瀋陽

分離忽兩春役役幾艱辛兵籍何時落鄉書此日
真乾坤同是客風雨正愁人望斷渾河遠蕭蕭白
髮新

寄題性源上人清影軒

勝地曾行雲扉夜不局長林籠碧瓦明月照朱
櫺世北龍門寺經繙貝葉青開秋敷石榻遲我一
揚舲

丙子元日

朔紀庚申始風從甲艮來陰霾低不散天意邈難
猜香縷縈銀燭椒花浸玉醅賓朋交致賀獨我老
衰頹

中秋不見月

延桂敞南樓更傳第幾籌玉城衝雨立銀漢拔雲
流曲度霜娥怨談停老子愁相看須隔歲虛過此
中秋

十六夜翫月次韻

中秋風雨隔二八正圓時天上清虛府人間太液

池飛鶯蟾皎潔翫賞客權奇偏照南村老蕭蕭兩
鬢絲

中秋夜陰

自小看明月看來已白頭年年栖逆旅艸草過中秋
銀漢金波斂冰匱玉鑑收淒然向今夕嘯咏想
南樓

十六夜獨酌

今夕非凡夕璣樓影尚彌纔經一日隔未覺半分
虧再索新芻酒還賡昨賦詩舉杯邀對酌真足暢

幽期

十七夜傷感

四十二年前今宵最可憐明蟾徒自好愛子竟長
捐父母情懷苦乾坤造化偏老來頭雪白不斷夢

縈牽

過蕭塘市

不到蕭塘市流光十五暮岸傾街甃裂寺廢梵幢
欹第宅畱荒趾垣墉易敗籬相知無一在遺跡動

傷悲

閔畔

上國曾辭聘南郵且閔畔心安閒自適肌瘦老逾
清趣向琴中得詩從枕上成平生隨造物多幸見

升平

龍鍾

吳楚躬親歷關河事熟諳客居淞水上鄉夢越山
南豹變知無及龍鍾愧不堪有時扶短策去就老

農談

濯足

濯足咏滄浪。南邨住草堂。風簷縣襪襪。煙艇帶答答。
總羨畔漁好。渾忘歲月長。建文開泰運。聖德

媿軒黃。

答答元結自釋音
郎當蓋竹籠也

歸途徐邨阻風

徐家邨曠靜。柳下泊舟航。故國南游遠。東風晚更狂。
歸心如箭急。流水似人忙。明日宜興縣。長橋醉一觴。

簡顧秀才

地偏春自勝。市遠客尤稀。艸閣開清晝。谿航載落

暉。雜花晴簌簌。輕燕晚飛飛。問訊東隣老。還容覓釣磯。

西湖紀興

浩浩春波闊。冥冥夜雨濛。笙歌傳別館。燈火隔疎煙。
作客頻遷次。傷時更可憐。明朝晴未卜。還是醉湖船。

五里塘

破屋三家市。扁舟五里塘。亂波浮落照。飢雀聚枯桑。
氣浸乾坤戚。兵戈道路長。漂流無倚著。何日定

歸鄉

南郵對雨

雨氣連郊白。溪流觸岸渾。餘寒欺鳥雀。清潤溼琴尊。
修竹明如洗。長楊翠作屯。艸堂初睡起。曳履掩柴門。

和鄭南榮韻

煮茶燒落葉。掃徑動閒雲。水涸溪痕見。林疎岫色分。
齋居長自掩。麋鹿動成群。短屐相過數。惟應鄭廣文。

癸亥元日

通夕零寒雨。開晨吼朔風。人惟憂樂異。節自古今同。
故國丹丘外。浮生白髮中。力田憂水旱。端策問凶豐。

元夕

珂里傳柑日。金吾放仗時。樓臺燈火淡。風雨管絃悲。
術眩明皇幸。儀尊太乙祠。千年成古蹟。兀坐漫齋容。

過顧城湖

昨行三塔崦。今過顧城河。帆正風猶順。程遙日漸晡。礙船防斷階。收港認浮圖。同往皆良友。羈情喜不孤。

己卯中秋

移榻近前榮。良時引興清。雨從晡後散。月向夜深明。靈兔曾無恙。嬌娥若有情。舉杯邀對酌。隔歲好尋盟。

中秋

今夕知何夕。南軒景趣幽。露溥蟾影耀。風靜桂氣

浮。移榻催鋪席。褰簾快上鉤。年年催老去。又見一中秋。

辛巳中秋

海寓樂昇平。中秋景象清。祇緣人意好。轉覺月華明。今歲僉愚顛。比隣異死生。聽來惟是哭。孰更不傷情。兵部遣使至府府命兩縣僉點身長力壯民丁應克謂之曰愚顛不下五千餘人

九月朔日庭前白菊開花

尋常重九日。難得菊花開。今歲因添閨。孤芳亦借魁。翠裘雲掩冉。鶴羽雪碧穠。三嗅秋香立。吟哦待

酒來。

丙寅中秋

雲開天宇潔。玉露滴琪林。靜對中秋月。偏傷故國心。半生常作客。此夕一霑襟。弟妹書難得。窮愁老轉深。

十二月望後一日輸粟金山衛

渤海金山小坡陀。艸路危城池連斥鹵。部伍雜華夷。比屋屠牛肆。高竿賣酒旗。一旬愁裏過。雨雪滯

歸期

十月十一日夜夢中賦詩一首既覺忘前四

句枕上足成之

柳風輕娜娜。竹雨淨娟娟。有只書千帙。無多屋數椽。邨深居自好。心遠老相便。載酒谿翁羨。桃源小洞天。

十月廿六日喜雪分韻得同字

今年方見雪。懽喜萬人同。觥巨醅浮綠。窗明燭耀紅。煎茶移石鼎。理櫂命谿童。黃竹何須賦。休祥兆歲豐。

庚辰元日

授曆紀庚辰開元值丙寅五更微見雪兩日便迎
春頭戴銀旛巧門題彩帖新屠蘇循故事殿飲老
年人

九月四日遣愁

塵鎖斷絃琴悠悠歲月深遺言仍在耳惡日倍傷
心路隔重泉宵墳封宰木陰臨風耿無語老淚一
霑襟惡去聲
忌日也

哭王黃鶴

乙丑九月初十
日卒于秋官獄

人物三珠樹才華五鳳樓世稱唐北苑我謂漢南
州大夢麒麟化驚魂狴犴愁平生衰老淚端爲故
人流

乙丑十月廿八日得鄉人林序班公輔寄聲

報舍弟夢臣沒於道未知月日地所二首
白下相逢日于今十二年江湖俱老矣風雨獨淒
然哀訃從人得殘軀爲國捐生兒多不育身後竟
誰傳

弟兄惟我在骨肉永睽離王事勤勞日關河夢斷

時水深風浪惡夜靜鼓笳悲號慟嗟何及傷心老
益衰

哭馬平主簿夏原威

丁卯臘月十三日死

詩書承善慶簪組沐恩榮賦命分修短詳刑服重
輕平生師友義終古別離情盡掬寒淞水難湔淚

眼清

挽陸北岩教諭

辛巳十月廿九日卒

北岩今已矣命也復何仇形影長相弔文章不自
謀夢殘蕭寺夕魂返故山秋多少傷心事哀猿哭

未休

挽趙雲居先生二首

辛巳九月十八日卒

故國王孫後先生德望隆相將年九十出處浙西
東學本趨庭教醫存濟世功俄然棄榮養哀慟起

秋風

吳淞今芙蓉台婺遠相連去國二千里論心四十
年故人將盡矣老淚重潛然修得遺賢傳儲輸太

史編

送何伯溫還鳳陽

索居濠水曲歲月共悠悠會面忽今日憐君已白頭關山來去路風雨別離愁谿上船催發寒潮沒遠洲

開鑪日有感是日始見霜

陽月日云初新霜萬瓦鋪具羞供墓祀熾炭煖寒爐望望鄉關遠栖栖旅思孤形骸看漸老節序不

停徂

挽張雲莊宗禮三首

客邸病縈紆驚憂鬱未舒紫杪函蛻骨白下返靈

輿故里千年別浮生一夢如莫雲莊上些山雨竹樓虛

嫁殃遭太守簿錄降將軍短景燈餘燄繁華水上

雲賢愚誰復辯玉石竟俱焚次第修言行他時表

墓文

嗚呼吾友沒相望去程遙遺恨孤慈侍清魂入大招諸兒銅鼓衛一穴鳳山椒淚灑西風裏交情永

寂寥

洪武癸酉正旦雨明日雨中夜雷電又明日

雨四日陰曠嚴寒西北風大作口號

迎春半月先寂歷過新年鷄狗羊猪忌風雷電雨
全玄冥雖代謝陽德未昭宣有待陰霾散乾坤始
泰然

九日雨

三年元日雨今雨欲經旬洋海開塗者金山餽粟
人體寒衣綻裂腹餒食艱辛上帝垂慈憫晴暄振
困貧

二月六日雪

春半三番雪田更誦里謠一年防暴水九月定盲
飈色妒梅枝瑩花黏蝶翅消暫時成凜冽玉燭自
能調田家五行云二百五日主有風潮

庚午七月三日大風雨視丁卯歲爲尤甚獨
松江若此他郡無有也

雨從朝起驟風到夜深狂仆屋搖坤軸漫江徧海
鄉喜無秋旱曠未卜歲豐荒較彼前三載而今勢
益強

六月廿九日喜雨

六月三旬旱炎威酷吏猶廿年無此熱一雨近初
秋田畝塵隨伏禾苗病向瘳豐登還可望生計尚
堪謀

二月朔夜中雷始發聲三日寒載嚴雪大作
前夜起雷聲寒威刃發硎積陰春黯慘密雪晝飄
零香褪梅腮白愁緘柳眼青擁爐頻熾火不似肉
爲屏

七月三十日雨

半月值秋晴涼生枕簟清嘉禾方孕秀甘雨又滋

榮造物功難報斯民樂有生輸租庚責了倉庾定
充盈

洪武丁卯臘月癸亥雪

六花凝瑞白已見臘前三寒色清逾烈羈懷老不堪窮陰連漠朔豐稔在江南驢子谿橋客煎茶恐
未諳

臘月初二夜雪

吼樹朔風雄寒欺繡被重地浮銀渤海山吐玉芙蓉瑞象標初臘歡懷慰老農歲登端可卜百穀徧

提封

十二月十三夜雪

膝六夜停驂乾坤玉氣涵樹膚寒擁腫松髮白鬢
鬟驢背吟何苦爐頭飲正酣隔牆農父語喜見臘

前三

正月十二日雪

立春纔二日撩亂雪花飛陰晦雲同色嚴凝曉肆
威擁爐頻熾火對酒趣添衣德澤終當布斯民莫
歎欷

至日聽雨

至日聽寒雨今宵憶向曾漏催銅史箭花炮水奴
燈愁壘堅難破騷壇峻可登苦吟無好語白髮已
鬢

甲子又晴

田家春甲子分外要清明水旱因從卜休凶亦可
旌明年期大稔今日喜長晴爲報西疇老知時好
力畊

元宵雨

三五元宵節連年氣候同漫天來暮雨吼地起南
風燈火樓臺寂笙歌巷陌空金吾徒弛禁清坐愜
深衷

連日積雪釀寒曉起見雪臘月十一日也
四野話豐年三番見臘前意從多日厚色瑩六葩
妍谿艇因思汎鎰茶趁埽煎老翁無此興擁火醉
陶然

九月廿七日

九月三旬裏渾無幾日晴軒墀簷雀浴農室竈蛙

鳴點滴疑天漏汪洋覺地平烟蓑樵水稻此去若
爲生

和董良史憲僉西郊艸堂雜興八首

杏花春雨映谿堂不異當年碎錦坊重碧破除千
萬事硬黃臨寫十三行枌榆夾道陰連疾魚鳥親
人水滿塘覓句有時成久立艸茵藉坐槿籬傍
西郊闢地構名堂絕勝南邨小柳莊得意四時從
嘯咏讀書萬卷保行藏雕胡米滑甘於粟葛苣苗
肥綠似秧野飯菜羹皆適口一真滋味靜中長

清谿脈脈抱虛堂
新竹娟娟過短牆
問柳尋花春事晚
投壺散帙午陰涼
時將芳糗充魚餌
歲會香粳備鶴糧
如此閒情真自適
可無幽夢入鵠行
老來歲月去堂堂
夙佩君恩不敢忘
炎漢辭官容廣受
聖朝立極過軒唐
秋田春雨租牛種茗
盃涼風對鶴嘗清興
有時吟不了天邊羅立九山
蒼

日長雙燕語深堂
樹木參天枕簟涼
龍德光明今宇宙
犬牙相制古封疆
人厖俗厚宜栖止
歲泰時

康匪禪讓我亦有家
歸未得浙江東去路
微茫吟成池草坐
西堂胸次悠然隘
入荒靜悟游魚投
餌急閑看飛燕
葺巢忙采山釣水
唐人愿長子生孫
漢吏倉高尚循良
同一致要令身世一平康

蕭蕭落木護秋堂
白版爲扉掩夕陽
塵垢不沾頻灑埽
稻梁已熟漸收藏
攝生未用芝和朮
具饍能無芥與薑
一榻清風渺千古
看他奔走爲人忙

牒在御爐煙染賜衣香
錦囊縹帙新增集
玉軸牙牋在御爐
煙染賜衣香
錦囊縹帙新增集
玉軸牙

籤舊補亾鄰舍相邀長是醉此身終老白雲鄉

次韻寧熙中上人如蘇紀游十首

華山阻雨

東南風急布帆輕長泖西來第一程此日忽逢春
莫雨何人不望客中晴烟巒朵朵鬟凝碧石澑濺
濺玉奏聲且向華山谿口泊推篷滌研幽情

喜晴

澹霧冥濛日晏升攬衣遙見闔閭城十分天氣依然好一色波光遠近明紫燕將雛花上語錦鳩呼

婦樹頭鳴道傍農父交相慶菜麥青青喜快晴

山行偶興

鬼護神呵兩怪松晚晴長阪綠陰濃泉聲噴壑谿東走嵐氣涵空日下春毫楮出奩題好句杖藜到處發奇蹤近來蠟得登山屐擬約重游意未慵

遊天池

雨餘弭櫂釣磯頭一錫翩翩縱遠眸翠壁石蹲形似虎龍淵雲墮氣如牛人間幻出三千界天上移來十二樓更陟曾顚窮盼只疑咫尺是瀛洲

遊靈岩

靈岩拔起拱諸峰林壑深幽與昔同誰念夫差罷敝後莫逃范蠡計謀中彈琴石老落花紫響屢廊空夕照紅里叟不諳亾國恨至今猶說館娃宮

遊天平

樹木沈沈翠作堆瘦筇緩步首頻回天平山水真佳矣文正祠堂亦壯哉碧落高寒超下界白雲清煖隔浮埃長懷往事成悽斷爲讀殘碑剔蘚苔

遊南峰寺

答遊曾記與諸賢藉艸高談雪滿顛白鶴青驄開士逝丹厓碧岫野花然虎丘東去無多地龍脈西通第二泉長欲攜書此中住自隨春雨種山田

沈一菴山居

嬾性生憎世累繁功名從此不相能堂成自可同蘭若客至何方話葛藤儀宇如如瑤圃月心懷炯炯玉壺冰扁舟早晚相尋去湖上群峰取次登

宿觀音寺

錫杖尋幽四月交山中地位總清高一庭蘿月縣

金鑑萬壑松風響翠濤雲臥已知隨處好浪游無愧此生豪上方夢覺清如洗况是鶴鳴從九臯

尋僧不遇

肩輿伊軋度欽岑義重宗乘故遠尋澗雨收時花作陣岩扉掩處筍成林蒲龕香歇閒清晝石鼎煙銷鎖綠陰那得相逢話疇昔嗟哉時序百年心

張建寧賦詩見寄次韻四首

移家住近府城東簾捲垂楊燕子風幽夢時驚暮局外好懷日付酒杯中喜於靜室觀虛白倦向通

途踏軟紅老我無能甘寂寞谿山還欲與君同

十年仕宦厭馳驅隨例歸休始定居門巷每來君子履杖藜閒過野人廬錦心繡口三都賦玉軸牙籤萬卷書別有高情真自適或時孤櫂或巾車文采風流果謫仙乾坤汗漫興飄然銀章朱紱承殊渥檜楫蘭舟濟巨川兄弟喜看三辭在古今誰似二疏賢朋游散落曾無幾童稚情親到草年

赤霄丹鳳邈難儔鷗鷺爲朋只浪游田里清淳依谷水關河迢遞隔台州西風采采黃花晚落日離

離碧樹秋白髮催人傷老大少年聲價落青樓

次韻答張林泉五首

憶昔交游各少年君年八十愈昂然幅巾短杖林
和靖斗酒長篇李謫仙修竹簷前香細細落花風
外影蹤蹤有時飯罷無餘事展席科頭自在眠
繪像耆英古有堂先生鬢髮已蒼浪寫書簡竹枯
鮮碧臨帖牋牋藤擣硬黃潮汐去來谿一曲垣墉周
匝樹千章執經弟子皆循飭道統真傳遡紫陽
倦草淮南大小山此身長與白雲閒南隣北舍相

歡洽西陌東阡自往還筆勢縱橫驚雨驟文詞奇
古發天慳幾時共剪西窗燭尊酒高談一破顏

百年孤抱歲寒心不覺頭顱雪滿簪梧陌鼎煙時
淪茗石牀衣露夜橫琴水雲深處成真賞風月良

辰動苦吟欲訪郊居曾有約桃花浪煖一篙深

枕流漱石豁煩襟日月容光實照臨御筆曾題田
氏宅王門莫聽戴逵琴明經教子傳家學買宅租
田罄橐金壽格期頤能有幾垂垂白髮送光陰

次韻答陳祠部景祺三首

傳家謹護一檀青。膝下兒孫歲歲增。松頂雲開晴放鶴。谿頭潮落晚移罾。堂臨綠野從行樂。路直青霄定立登。幾欲拏舟尋舊約。望窮煙樹碧瀾層。

碧海雙金遠送青。對之詩思晚逾增。庭前洗竹間留鉢。池上釣魚不用罾。錦里角巾唐杜甫。蘇門長嘯晉孫登。羨渠伯仲幽栖處。又隔風塵幾百層。海中

有大金小
金二山

錦樹離離海氣青。歲年大稔粟加增。僕夫緯篠修魚箔。童子紉絲結蟹罾。北舍南鄰相往復。東臯西

曠自臨登。香浮缸面新醅熟。膾切鱸肥玉作盤。

新春風雨次陸北岩韻三首

博山沉水裏輕煙。歲旦常儀總粲然。笠屐賓朋來雨外。盤觴兒女列。堂前梅驚朔。次朝猶落柳。怯春寒。畫未眠。盥手正襟端策問。今年還可種圭田。江南風雨見。何曾十日都無一日晴。曉起暫看新歲。曆老來偏動故鄉情。良辰美景須花柳。妙舞清歌待燕鶯。喜有山林容我輩。共將詩酒樂文明。鳥車載鬼過。遙天白雨淋浪雜翠煙。喜咏久無工。

邵老禱祈未用玉堂仙世情簡淡非今日春色淒迷似去年風景不殊鄉邑遠夢歸夜夜浙江船

次韻荅山泉上人曠

綠谿野徑僻通邨百尺梧桐翠長孫海色曙凝生白室香雲晴護牧閒園額麗郡乘招提古名重鄉評行業尊近掣藏函翻般若何當聯席與精論曙

海

軒香雲室牧間園皆上人扁名

次陸北岩韻二首

廬外圭田二畝強鄉隣傭力爲移秧百年岡壟衣

冠闕一徑楸梧雨露涼天地無情身老大山林有
分髮蒼浪急流勇退人爭羨喜見春風日再賜
畎畝高低絡翠徑樹林茂密列雲屏水邨沙路迢
迢白茅屋炊烟處處青谷口樵歌西日暝岩頭虎
嘯晚風腥先生歸也山居靜童子篝燈月半肩

嚴寒次栗隱德上人韻二首

雪留十日未都消画閣娛情遣寂寥茶敵睡魔浮
玉乳酒烘吟臉暈紅潮雕盤異饌明妝捧寶鼎沉
香烈火燒應有窮途飢凍者一般風景不同條

庄牀燕坐坎離交冰綴霜髭口欲膠煖老正宜絲
作繯逸居那敢樹爲巢飢禽戰羽時僵仆猛虎摩
牙夜噉哮造物屈伸端有數醉歌自把唾壺敲

登干山次林泉徵士韻二首

水作巴蛇走濺湖山蟠天馬載浮圖重重桑柘平
原近閃閃烏鵲落照晡林廟幡燈祠岱岳江城雉
堞帶東吳歸心自是愁如織只怕游人唱鶼鶼

一名天馬山

下有平原邨

欲學當年乞鑑湖鵬程九萬阻南圖望窮海上天

無際倚徧闌干日未晡一代衣冠成二老百年藜
杖寄三吳南邨亦有林泉趣春雨聲聲聽鶠鶠

周萬竹知紹興府日其家梅花盛開西賓張
林泉作詩寄之及簡越上諸友因次韻二

首

南枝向煖競先開何處人間有玉臺冰艷雪臞渾
好在月香水影入詩來逋翁湖上清魂返仙子羅
浮小仗回寄遠慎毋多折却使君調鼎待鹽梅
磨經家學保青檀文采風流秘且賢池艸西堂生

夢裏官梅東閣到吟邊會稽望去無多路朋舊別來今幾年見說蘭亭只如昔勝游須在暮春天

次胡安州韻

宦成歸老有餘暉吟苦從教帶減圍卜構北山欣地僻閱畔南畝慮年饑雲霄孤鶴盤旋過野水閒鷗自在飛炎暑困人多病渴寄言莫怪往來稀

萬山遺叟以所作中秋重九二詩見示諸公和之已多勉強效顰二首

高碾長空玉一輪娟娟零露洗浮塵良宵又值中

秋節老我堪憐百歲身對酒漫忘誰是主賦詩那有語驚人據牀談咏還多興沈浸清光景思新重陽佳節無風雨倦客他鄉憶水丘采采黃花人送酒迢迢碧漢鴈橫秋喜無敗興催租者自有循谿蕩采舟底用登高方是樂嘉賓三兩醉還休

五月菊

老圃乘涼起歎嗟孤標底事便開花石榴明處朝同采紅藕香中酒漫賒画舫沅湘懷屈子薰風庭館屬陶家也知不爲趨炎出莫忘清秋興緒嘉

次夏西疇韻

亂餘及見太平年 聖主龍飛地幅員父子戍邊
歸未得公侯下士禮彌虔中天孤月應同照尺素
雙魚孰爲傳昨夜釭花頻送喜好風吹墮白雲篇

題德如海上人聽松軒

定起忽聞風雨生危枝只恐鶴巢傾蒼虬鼓鬚噓
天籟翠浪掀空送海聲一派笙簧秋浙瀝千官環
珮玉琮琤我家亦有閒庭院不及山窗分外清

寄題陳孟文叢碧軒

一室蕭閒竹裏安綠波洗出萬琅玕雲深競舞青
鸞瘦簷曲長霏翠雨寒三徑清風人楚楚五車汗
簡墨珊瑚何當直造談玄處展席涼陰搗月團

小游仙詞雪後一日甲子作

瑤池謫降小眞仙只在人間二八年長日沈沈緘
祕緒浮生草草厭塵緣一函遺蛻寒璣隕五夜清
魂顥氣縣鸞鶴啟途幢節擁碧霄如洗月嬋娟

借韻荅清谿邵先生

西泖移家住北邨謝庭蘭玉見玄孫門前料理桑

麻圃雨後栽培杞菊園象齒篆僉書列皮松花釀
蜜酒盈尊平生不飲惟留客翰墨詞章熟考論

借韻荅宗高王架閣

蕭然一室數家邨籍甚三槐幾葉孫詩句驚人師
杜甫妍詞落簡客梁園承恩出牧年方妙謝事歸
休道益尊不覺數年成闊別老懷耿耿與誰論

借韻荅牧菴上人謙暨無心野人

南邨差似浣花邨慚愧山中宰相孫獨抱遺經畔
壘畝病辭束幣老丘園此生空忝諸公後舉世何

如見佛尊翠竹黃花真妙理清風明月不須論

七夕次萬山韻

瓜果中庭漏點深露花零亂滿琪林曝書偶忘今
朝是乞巧欣逢此夕臨雲馭瑤池靈劍劍星梁銀
漢影沈沈人間天上同歡樂只有悲蛩語不禁

登超果寺一覽樓次林泉民韻

層樓明敞奠松關萬里蒼茫指顧間地絡卯茸羅
梵塔天低溟渤獻神仙寶陀像設金千鑑瑞井光
涵玉一環倚徧闌干吟未了伽陵風細韻縣蠻宋治

平初錢武肅王所奉觀世音像至淞江禮塔匯光
燭于超果寺之金鑑井繇是迎像至焉井今名曰
瑞光

次韻答邵青谿先生

藜杖烏紗過百年童顏鶴髮氣冷然窩尊安樂元
通譜壺隱虛閒別有天課稼春行黃犢外尋盟時
到白鷗前青谿一曲春如許二頃何須負郭田

雪次陸靜菴韻

剪剪寒風勢轉嚴六花撲蔌綴高檐蠟醅銀瓮人
微醉獸炭金爐妾慣添大地一方調玉燭遙山九

點詫形鹽明朝擬向西園賞四敞罘罳卷毳簾

胡萬山脚氣陸北岩遺詩問訊因次其韻

見說新秋仍病痺南州土溼暑熏蒸耳邊愁聽三
江雨胸次清涵萬壑冰臥起東山今謝傅嘯聞半
嶺簪孫登北岩老子題詩寄愧我才疎闕刻藤

感懷次韻

數椽茅屋稱幽居環堵蕭然日著書隣曲往還忘
主客林泉映帶樂禽魚一經闡教韋丞相三策成
名董仲舒自愧無能空白首子孫便好問畊鉏

中秋翫月次胡萬山韻

東頭湧出爛銀盤簾卷南榮仔細看秋氣平分宵
寂寂涼輝十倍露溥溥阿巍藥臼敲清杵素女霓
裳跨白鸞欲折丹葩向高處璚樓玉宇不勝寒

次張林泉韻

潛化芝蘭四十春多君文采玉爲人青燈風雨思
還共白髮江湖老更親東漢獨高嚴瀨客西疇自
擬葛天民滄江今日同畊釣竊景前賢託此身

次韻答胡別駕

避地僑居泖水濱相看白髮與時新好山登眺無
多處榮宦歸來有幾人鷄黍會多談笑數芝蘭氣
合性情真算年我輩須行樂莫遣蹉跎過一春

正月二十有六日余與邵青谿張林泉會胡

萬山夏雪蓑俞山月高彥武張賓賜于余
北踰嶺而南訪陳孟剛席上分韻得船字
桃源只在人間世三老相逢莫問年清晝喜陪多
士集紫霄只恐德星躔香蒸雲液行璚斝花簇珍
羞飣綺筵一櫂歸來潮正落谿頭好似米家船

題張惟德清逸軒詩卷

結廬自愛南邨好盡日蕭閒遣興長一榻松風茶
在鼎半簷谿雨酒盈觴遙岑爽氣朝來致小徑黃
花晚節香聞道曾軒清且逸我將過汝共徜徉

過沈汝舟故居次范宏遠韻

不見幽人左太沖鶴歸遼海蕙帷空敗垣躡躅春
酣日老樹鷓鴣夜嘯風怪事書空千載一長干作
客幾人同可憐滿眼淒涼淚都付詩篇感慨中

次萬山韻

風雨江湖雪滿頭斗南名士總交游山林已自無
多在我輩真成第一流折簡招邀春釀熟策筇來
徃野情幽年年無事長相見底用尋盟到白鷗

南邨詩集卷第二 終

